

Estimados/as compañeiros/as:

Como directora do Grupo de Traballo de *Debuxo Técnico II* e no nome de todo o Grupo, poñémonos en contacto con todos/as vós, seguindo ás recomendacións da CiUG, co obxecto de aclarar posibles dúbidas relativas á Avaliación para acceso á Universidade correspondente a 2017.

Elabóranse as directrices xerais para o presente curso, os cambios con respecto a cursos anteriores afectan unicamente ao cumprimento da nova normativa seguinte:

- *Decreto 86/2015, de 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia* (DOG Núm. 120 Luns, 29 de xuño de 2015 Páx. 25434-27073.)
- *Orden ECD/1941/2016, de 22 de diciembre por la que se determinan las características, el diseño y el contenido de la evaluación de Bachillerato para el acceso a la Universidad, las fechas máximas de realización y de resolución de los procedimientos de revisión de las calificaciones obtenidas, para el curso 2016/17* (BOE Núm. 309 venres 23 de decembro de 2016 Sec. I. Páx. 89890-89949).
- *Real Decreto 1105/2014, de 26 de diciembre, por el que se establece el currículo básico de la Educación Secundaria Obligatoria y de Bachillerato* (BOE Núm. 3, sábado 3 de xaneiro de 2015 Sec. I. Páx. 447-451).

O Grupo de Traballo quere destacar as seguintes cuestións:

- Os cambios máis significativos en canto a **contidos** (aclaracións nas orientacións xerais) son os seguintes:
  - O bloque de *Trazados Xeométricos* pasa a ser **Xeometría e Debuxo Técnico**, desaparecendo contidos de ángulos na circunferencia, construción de triángulos, polígonos e curvas técnicas.
  - O bloque de **Sistemas de Representación** unicamente terá contidos de *sistema diédrico* e *sistema axonométrico*. Non se esixirá *sistema cónico* (perspectiva lineal) nin *sistema acoutado*.
  - O antigo bloque de **Normalización** desaparece de 2º de Bacharelato, aínda que algunha parte se pode considerar incluído no novo bloque de **Documentación Gráfica de Proxectos**, como así se aclara nas orientacións xerais.
  - Do novo bloque de **Documentación Gráfica de Proxectos** unicamente se esixirán *debuxos de bosquexos* a manalzada e elaboración de *debuxos acoutados*.
- Non se vai a incluír ningún contido novo a estas alturas de curso. Os contidos que necesitan a utilización de programas informáticos considéranse inviables nestes momentos para as probas.

- En canto á **estrutura do exame** acórdase manter a mesma, con dúas opcións (A e B) e cada unha delas con tres cuestións (ver exame tipo).

En cursos sucesivos o grupo tratará de elaborar novas orientacións para adaptarse á normativa actual.

Estamos á súa disposición para calquera dúbida ou suxestión.

Sentimos as inquietudes que este curso causou e esperamos que con estas orientacións se resolvan todas as dúbidas e se transmita tranquilidade ao alumnado

Febreiro de 2017

O Grupo de Traballo